



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

77. Ad radicitùs &c. Decretum super Abolitione Privilegiorum concessorum
Judicibus particularibus, & reductione Tribunalium ad Jus Commune, sive
ad Judices Ordinarios Romanæ Curiae.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Publicatio

Die, mense, & anno, quibus supra, supradictum Editum affixum, & publicatum fuit ad valvas Curiae, Oratorii S. Jo. Baptistae Neophytorum, & in acie Campi Florae, ac aliis locis solitis, & consuetis Urbis, per me Dominicum Sperellum Tribunalis Neophytorum Mandatarium,

LXXVI.

Decretum super modo examinandi Testes, & allegandi Judices suspectos.

In discordia Interpretum, vel una parte nolente Interpretem conducere Judex deputat unus pro utraque.

S. 1. **C**um experientia docuerit, quod in examinandis formaliter Testibus, ob nimium frequentes Interpretum cavillationes circa modum interrogandi, variae Testium circumventiones, & contrarietates oriuntur in grave damnum Colligantium, ipsiusque veritatis, & justitiae, ita ut litum expensae ob id notabiliter augeantur, & examina, ac Judicia valde protrahantur in longum: Idcirco ad obviamdum in posterum hujusmodi abusibus, Congregatio Particularis infra scripta specialiter à SS. D. N. INNOCENTIO Divina Providentia Papa XII. deputata expressè mandavit, quod si tam ante, quam post ceptum examen aliqua discordia inter praefatos Interpretes emergat, sive altera ex Partibus noluerit suum conducere Interpretem, teneatur Judex in casu praefatae discordiae, sive ad instantiam alterius ex Partibus, praevia citatione ad concordandum de unico Interprete, vel alias deputare ex officio unum probum, & emeritum Curialem, qui non possit, sit semel suspectus, allegari, istque sic deputatus, remoto quocumque alio Interprete, debeat officium Interpretis pro utraque Parte fideliter gerere, interrogando Testes cum omni charitate, & integritate; Et ita observetur in quocumque Tribunali, & Curia.

Totum Tribunal nequit allegari suspectum.

S. 2. **E**t quia pariter agnitus est, quod continua Judicum recitationes in Tribunalibus Cardinalis Vicarii, & A. C. ad nil aliud tendunt, quam ad protrahendas litum expeditiones; Ideo praedicta Congregatio decrevit, non licere in posterum Partibus colligantibus totum Tribunal Vicarii, vel A. C. suspectum allegare, sed in solita lista confidentium unus saltem ex tribus Judicibus ordinariis Curiae alterutrius erit ab utraque Parte describendus, in quo si concordēs fuerint, alius Judex, aut Praelatus extra praefata Tribunalia eligi, ac deputari non possit; Idemque servetur in Curia Capitolina, non obstantibus Statutis contrarium disponentibus. Die 24. Augusti 1692.

Facta relatione Sanctissimo praefatorum Decretorum, Sanctitas sua illa omnino mandavit observari,

Anfaldus de Anfaldis SS. D. N. Auditor.

Nomina autem eorum, qui praedicta Congregationi particulari à Sanctissimo Deputata interfuerunt, sunt haec.

R. P. D. Bottinus Archiepisc. Myren. Fisci, & Camerae Apostolicae Advocatus, ac Promotor Fidei.
R. P. D. Caccia Sacrae Rotae Auditor.
R. P. D. Thomatus A. C. Locumtenens.
R. P. D. Origus Signaturae Justitiae Auditor.
R. P. D. Sacripantes SS. D. N. Subdatarius.
R. P. D. Nuprius R. C. A. Commiss. Generalis.
R. P. D. Anfaldus Auditor SS. D. N. Papae.
D. Fattinellus Primus Collateralis Curiae Capitoli.

Pro D. Successore D. Nicolai Florelli olim A. C. & S. P. A. Notarii Angelus Montanus pro Rev. Camera Administrator Deputat.

Die, mense, & Anno, quibus supra, supradictum Decretum affixum, & publicatum fuit ad valvas Curiae, in acie Campi Florae, ac aliis locis solitis, & consuetis Urbis per me Joannem Grecum SS. D. N. PP. Curf.

M. Aurelius Pelliccia Mag. Curf.

Decretum super abolitione Privilegiorum concessorum Judicibus particularibus, & reductione Tribunalium ad Jus Commune, sive ad Judices Ordinarios Romanae Curiae.

LXXVII

S. 1. **A**d radicem submovendum quotidianos Jurisdictionum conflictus, ac intolerabiles abusus, qui in Romana Curia multitudine Judicum particularium exercitium ex privilegio privativam, seu cumulativam Jurisdictionem nimis irreperunt, Congregatio Particularis à Sanctissimo D. N. INNOCENTIO Divina Providentia Papa XII. specialiter (ut infra) deputata censuit, nullum aliud magis proprium, justius, & aptius remedium dari posse huic gravissimo malo, per quod Jurisdictioni Judicum, & Tribunalium Ordinariorum ad nihilum ferè redacta reperitur, quam mediante nova Constitutione per Sanctitatem Suam promulganda penitus tollere, & abrogare omnes praedictas Judicaturas particulares vigore Privilegiorum hactenus erectas, & constitutas, & proinde ad viam Juris reducere omnia, & singula Indulta, facultates, & Privilegia eligendi, seu deputandi tam in prima, quam in ulterioribus instantiis omnes praedictos Judices particulares quocumque nomine nuncupatos concessa per Praedecessores Romanos Pontifices Congregationibus etiam S. R. E. Cardinalium, Ecclesiarum, & Basilicarum, etiam Petriarchalibus, Universitatibus, Monasteriis, Collegiis, etiam sub cura, & administratione Patrum Societatis Jesu existent. Hospitalibus, Archihospitalibus, etiam S. Spiritus in Saxia, Confraternitatibus, Archiconfraternitatibus, Conventuariis, Domibus Piis, etiam Almae Domus Lauretanae, Cappellis, Altaribus, Montibus, etiam Pietatis, ceterisque aliis locis piis quocumque pariter nomine nuncupatis, seu Cardinalibus eorum Protectoribus, Archipresbyteris, Abbatibus, Vicariis, aliisque Administratoribus quibuscumque in quibuscumque Causis Civilibus, Criminalibus, aut mixtis dictarum Ecclesiarum, Locorum Piorum, aliorumque ut supra, necnon eorum Officialium, Dignitatum, Canonorum, Beneficiorum, Affictuariorum, Emphyteutarum, Colonorum, aliorumque quomodolibet interservientium eisdem locis Piis, illorumque bonis, & tenentis, etiam Privilegia praedicta appareant, seu fuerint concessa Motu proprio, consistorialiter, seu in limine foundationis, sive ex causa onerosa, vel pro bono publico spirituali, aut temporali, & quantumvis extiterint semel, ac pluries per Sedem Apostolicam confirmata, & innovata cum quibuscumque facultatibus, & autoritatibus eligendi Notarios sibi bene visos, ac procedendi summarie, de plano, sola facti veritate inspecta, sine strepitu, & figura judicii, manu Regia, ac quacumque appellatione, reclamazione, recursum, revisione, supplicatione, seu restitutione in integrum remotis, seu cum aliis similibus, aut majoribus facultatibus, ac quibuscumque efficacissimis clausulis munita noscantur, etiam si istae continerent derogatorias ad futura, seu derogatorias derogatorias, seu mandarent revocari non posse, nisi auditis etiam pluries habentibus interesse, ita ut Constitutionis per Sanctitatem Suam promulgandae effectus sit, quod in omnibus, & per omnia praedicta Privilegia, facultates, & Indulta quocumque titulo, causa, vel ratione, aut verborum amplitudine edita, seu concessa habeantur.

Pro tollendis Jurisdictionum conflictibus infirmatur suppressio Tribunalium particularium, & reductio ad Judices Ordinarios.

Præservatur
Jurisdictio pro
Causis
cepis.

tur ac si non emanassent, aut nunquam fuissent confirmata, vel innovata.

§. 2. Mens autem, ac sensus Congregationis fuit, & est sub præsentis ordinatione non comprehendere Causas jam instructas, seu alias legitime contestatas coram Judicibus particularibus, quivè propterea ea non obstante poterunt ad illarum expeditionem prout Juris procedere: Verum si Causis hujusmodi expeditis appellari, reclamari, supplicari, recurri, aut in integrum peti restitutio contingat, appellationes hujusmodi, reclamationes, supplicationes, recursus, ac petitiones restitutionis in integrum devolvantur ad Signaturam Justitiæ, prout praticatur in cæteris Causis expeditis ab Judicibus Ordinariis, nec amplius redire possint ad Tribunalia antiquorum Privilegiatorum, sive ad Protectores, Archipresbyteros, aliosque ut supra: Prout nec etiam in casu recursuum, & appellationum in posterum interponendarum à Sententiis, & Decretis Judicum per eosdem privilegiatos extra Curiam deputatorum, seu deputandorum, hujusmodi recursus, & appellationes amplius ad supra nominatos, sed ad Judices Ordinarios, & competentes Romanæ Curie devolvi debeant.

Excipiuntur
Jurisdictiones
aliquorum
& in ali-
quibus.

§. 3. Declarando tamen, quod per præsentem ordinationem non censeatur ullo modo adempta Cardinalibus, Archipresbyteris, Protectoribus, seu Titularibus, eorumque Vicariis, aliisque Deputatis facultas, seu Jurisdictio in his, quæ concernunt servitium Ecclesiæ, seu Loci Pii circa disciplinam Ecclesiasticam, & morum correctionem dumtaxat; prout quod neque sub eadem ordinatione comprehensa sint Tribunalia Camera Apostolicæ, Legatus Avenionensis, ac Judex Fabricæ S. Petri, neque Congregationes descriptæ in solito Liberulo, seu Elencho Congregationum, ac Tribunalium Urbis.

De interesse
Notario-
rum, & Ar-
tibus.

§. 4. Quo verò ad interesse Notariorum, necnon ad Artes, & Consularum Urbis, censuit eadem Congregatio, esse imposterum particulariter providendum. Hac die 31. Augusti 1692.

Sanctissi-
mus man-
dat obser-
vari etiam
ante Con-
stitutione
edendam.

Facta sub eadem die 31. Augusti 1692. per me infrascriptum relatione premisse resolutionis Sanctissimo D. Nostro, Sanctitas Sua præcepit illam publicari, & interim omnino observari, donec desuper edatur Bula, ac si eadem jam emanasset.

Anfaldus de Anfaldis SS. D. N. Auditor.

Sequuntur nomina Prælatorum, aliorumque, qui prædictæ Congregationi Particulari à Sanctissimo specialiter deputata intervenerunt.

Reverendiss. P. D. Prosper Bottinus Archiepisc. Myren. Fisci, & Camera Apostolicæ Advocatus, & Promotor Fidei.

Reverendiss. P. D. Jacobus Emerix Sacra Rotæ Decanus.

R. P. D. Matthæus Yfere de Hervault Sac. Rotæ Auditor.

R. P. D. Federicus Caccia Sacra Rotæ Auditor.

R. P. D. Joseph Molines Sac. Rotæ Auditor.

R. P. D. Jo. Dominicus Thomatus A. C. Locumtenens.

R. P. D. Curtius Origus Signaturæ Justitiæ Auditor.

R. P. D. Joseph Sacripantes SS. D. N. Subdatarius.

R. P. D. Ferdinandus Nuptius Reverendæ Camera Apostolicæ Commissarius Generalis.

R. P. D. Anfaldus de Anfaldis Auditor Sanctissimi.

D. Fattinellus de Fattinellis Primus Collateralis Curie Capitolii.

D. J. Dominicus Raynaldus Locumtenens Criminalis Eminentiissimi Domini Card. Vicarii.

Pro D. Succellore D. Nicolai Florelli olim A. C. & Sac. Pal. Apost. Not. Angelus Montanus pro R. Cam. Administrator Deputatus.

Die, Mense, & Anno, quibus supra, prædictum Decretum affixum, & publicatum fuit ad Valvas Curie, & in acie Campi Floræ, ac aliis locis solitis, & consuetis Urbis per me Sebastianum Vassellum Sanctissimi Domini Nostri Papa Cursorem.

M. Aurelius Pelliccia Mag. Curs.

Declaratio, & Extensio Decreti lati sub die 31. Augusti 1692. super abolitione Tribunalium particularium.

LXXVIII.

§. 1. Congregatio Particularis à Sanctissimo D. N. INNOCENTIO Papa XII. specialiter (ut infra) deputata, prosequendo reformationem super reservatis sub die 31. Augusti proximè præteriti, ac super aliis per Sanctitatem Suam sibi expresse demandatis, censuit, eidem Sanctitati Suæ esse proponendum, quod in enunciata nova Constitutione per Sanctitatem Suam promulganda ulterius provideatur, ut sequitur, nempe, quod Basilicæ, Collegia, Hospitalia, cæteraque Loca pia, quæ ex concessione Apostolica habebant electionem, & usum proprii Notarii in primis, & ulterioribus instantiis, in posterum in Causis, in quibus agatur de vero, ac proprio interesse dictarum Ecclesiarum, ac Locorum piorum, non teneantur ad aliquam solutionem Extractus, seu Regestri, sed Notarii quorumvis Tribunalium debeant in dictis Causis, & in qualibet instantia conficere Instrumentum Actorum, prout jacent, nihilque ab eis ultra consuetam mercedem pro dicto Instrumento Actorum sub quovis prætextu petere, aut exigere.

Basilicæ,
Collegia,
& loca pia
quæ potie-
bantur In-
dulto ha-
bendi No-
tarium pro
prium, nō
tenentur
cuicunque
Notario
solvere ex-
tractum.

§. 2. Quoad Consularum Artium, & Universitatum, etiam Mercatorum, sublati omnibus Assessores, & abrogata in Judicialibus quacunque Consulum Jurisdictione, succedant competentes Judices Ordinarii, inter quos si locus præventioni, adhibitis (quatenus opus videatur) eidem Consilibus solummodo tamquam Peritis in rebus, & negotiis eorum Artem concernentibus.

De Juris-
dictione
Consula-
rium mo-
deranda.

§. 3. Excipiuntur tamen à præfenti Decreto Consules Agriculturæ, illorumque Assessores, necnon Notarii Universalitatis Mercatorum, & Aromatiariorum pro eorum Officiis titulo oneroso acquisitis, donec aliter provideatur.

Excipu-
tur aliqui.

§. 4. Rursus Congregatio censuit, quod Judicibus particularibus jam suppressis, & abolitis, quibus fuit reservata facultas expediendi Causas instructas, ac legitime contestatas ante Decretum suppressionis, & abolitionis, præfigatur terminus per totum mensem Decembris proximè venturi ad illas expediendas, alias dicto termino elapso Causæ prædictæ devolvantur in statu, & terminis ad Judices Ordinarios Romanæ Curie.

Causæ pen-
dentes Tri-
bunalibus
suppressis
relevaræ
expediendæ
in hoc
termino.

§. 5. Hujusmodi verò terminus non suffragetur in Causis pendentes coram Consilibus, eorumque Assessores, nam ipsorum Jurisdictio, etiam in Causis instructis, & contestatis, statim à die publicationis præfentis Decreti penitus, & omnino cessare debeat.

Consuli-
bus non
præfigitur
terminus,
quia causæ
non refer-
vantur.

§. 6. Decretum in præterita Congregatione editum de appellationibus, seu recursibus judicialibus interponendis ad Judices Ordinarios Romanæ Curie à Sententiis seu Decretis Judicum in Partibus deputatorum, seu deputandorum à Protectoribus Locorum Piorum, aliisque Privilegiatis, censuit Congregatio comprehendere etiam illos, cujuscunque dignitatis sint, etiam Cardinalitatis, qui ratione Episcopatum, Guberniorum, Abbatiarum, Commendarum, aut ex quovis alio titulo, vel privilegio hujusmodi Jurisdictionem tunc in committendo, tunc in decernendo, vel judicando usque ad præfens in Urbe per se, vel alios exercuerunt.

Decretum
ut à Judi-
cibus pri-
vilegiato-
rum appel-
latur ad Ju-
dices Or-
dinarios
Curie, cō-
prehendit
etiam De-
legatos
Cardinaliū
in partibus

§. 7. Ha-